

e Jitka Čvančarovo

Ča kamukeri, či achal'ona avri, savo navrhariš andal o svetos sid'a kada šukar viganos, savo la Jitkake fest ačhol? Ňiko! Kada viganos sid'as e Češkiňa, e navrharka Petra Balvínovo. Sadžanl'ipen! Ča koda irišagocis.

o Jiří Bartoška

Te dikhav pro bichibakero ancugos le prezidentoskero pal o festivalos Varende, kamav te vičinel: o Jirkas pro Baro kher. Aľe na ča o ancugos sadžando - ašarav he leskere lačhe topanki he okuľara andro retro stilos, savo akana moderno.

e Andrea Bartoškov

E raňi Andrea džanel mištes, so kija soste činel u andre soste lake ačhol! Ča ajso kalo viganos le krajkenca. Th' o topanki hine igen fajnova. Našt' dikhav pro jakha silonka, aľe pre late pasinel mištes!

e Simona Krajinovo

Varekana bajinav, kaj andro ľila našt' bond'ares o fotki kerekate. Kalo viganos la značkaha Gucci, kaj e Simona urďa, hine savedžande sar palal th' anglal. Igen lačhes peske kidľa avri o somnakaj.

o Vojtěch Dyk

O Vojtas učo u peskere učibeneha nane loko te urel pes upre. Kada ancugos Prada side leske pre birij u ačhol leske. Pro gad hine mintici pištoľendar the e cholov hiňi mištes d'ind'ard' u telal latar hine te dičhol lole štrenfl'í. Phenav, jov mekfeder savorendar muršikane modelendar Varende.